

Na osnovu člana 7. Pravilnika o postupku direktnog sporazuma („Službeni glasnik Bosne i Hercegovine“ br: 90/14), člana 7. Pravilnika o postupku direktnog sporazuma Javne ustanove Osnovne škole „Hašim Spahić“ Ilijaš br: 01-242/15 od 21.03.2015. godine i u skladu sa članom 2. Odluke o izboru najpovoljnijeg ponuđača, broj: 01-1568/20 od 31.12.2020. godine a nakon provedenog direktnog postupka za nabavku roba, dana 31.12.2020. godine zaključuje se:

**Ugovor o javnoj nabavci roba
putem direktnog sporazuma
-izrada i montaža aluminijskih roletni za prostorije produženog boravka-**

1. **Javna ustanova Osnovna škola „Hašim Spahić“**, sa sjedištem u Ilijašu, ul. Krajiška bb., koju zastupa direktor Nihad Salkić, kao naručilac roba (u daljem tekstu: **Naručilac**), s jedne strane i
2. **Opšta poljoprivredno-proizvodno-prometno-uslužna zadruga sa p.o. „Bios“** ul. Gornja Vratnica bb, Visoko, koga zastupa direktor Elvira Kadrić, kao dobavljač roba (u daljem tekstu **Dobavljač**) s druge strane.

PREDMET UGOVORA

Član 1.

Predmet ovog Ugovora je nabavka roba: izrada i montaža aluminijskih roletni za prostorije produženog boravka u skladu sa ponudom-predračunom dobavljača broj: 09-12/20 od 30.12.2020. godine koja je sastavni dio ovog Ugovora.

Član 2.

Dobavljač se obavezuje da posao iz člana 1. ovog Ugovora izvede stručno i kvalitetno, u skladu sa važećim propisima, standardima, pravilima i zakonima koji važe za ovu vrstu radova, sa svojom radnom snagom i opremom, za koju garantuje da nema nikakvih nedostataka. Dobavljač se obavezuje da će robu dostaviti i montirati u školi, ul. Krajiška bb, Ilijaš.

CIJENA

Član 3.

Ugovorena cijena za nabavku roba je data u ponudi-predračunu broj: 09-12/20 od 30.12.2020. godine i iznosi 1.709,40 KM bez uračunatog PDV-a, što sa uračunatim PDV-om iznosi 2.000,00 KM (slovima: dvijehiljade i 00/100 KM).

TRAJANJE RADOVA I PLAĆANJE

Član 4.

Dobavljač se obavezuje da će posao iz člana 1. ovog Ugovora izvršiti u periodu od 20 dana od dana potpisivanja ovog ugovora.

Plaćanje dobavljaču će se vršiti preko jedinstvenog računa Trezora Kantona Sarajevo, u skladu sa politikom Trezora.

Dostavljene fakture Naručiocu predstavljaju osnov za plaćanje ugovorne cijene.

GARANTNI PERIOD

Član 5.

Garantni period za ugovorene radove iznosi 6 (šest) mjeseci počevši od dana završetka radova.

Član 6.

Dobavljač je obavezan da u toku garantnog perioda otkloni sve nedostatke o svom trošku. Ugovoreni garantni period se produžava za onoliko vremena koliko je trajao zastoј zbog otklanjanja nedostataka.

ZAVRŠNE ODREDBE

Član 7.

Na sve ono što nije regulisano ovim ugovorom primjenjuju se odredbe Zakona o obligacionim odnosima, Zakona o javnim nabavkama, te odredbe drugih provedbenih propisa.

Član 8.

Sve eventualne sporove koji mogu nastati povodom ovog ugovora ugovorne strane će rješavati sporazumno, a ako u tome ne uspiju ugovaraju mjesnu nadležnost suda u Sarajevu.

Član 9.

Ugovor se primjenjuje datumom potpisivanja od obje ugovorne strane, a sastavljen je u četiri istovjetna primjerka, od kojih svaka ugovorna strana zadržava po dva.

Za Dobavljača

„BIOS“ p.o. Visoko


Direktor
Elvira Kadrić



Za Naručioca:

JUOŠ „HAŠIM SPAHIĆ“ ILIJAŠ

Direktor
Nihad Salkić



Broj:
Datum, 31.12.2020. godine

Broj: 01-1569/20
Ilijaš, 31.12.2020. godine